

KERATAN AKHBAR

TARIKH : 6 OGOS 2025
AKHBAR : BERITA HARIAN
MUKA : 6
SURAT

RMK 13: RGT ketiga di Lumut perkukuh industri, ekonomi Perak

Pindaan draf RMK13 selari aspirasi Ekonomi MADANI

Perubahan dan pindaan terhadap draf naskhah Rancangan Malaysia Ke-13 (RMK13) bukan bersifat mendadak atau di luar perancangan, sebaliknya adalah langkah untuk memastikan RMK13 benar-benar selari dengan aspirasi Ekonomi MADANI yang menjadi kerangka utama pembangunan negara.

Kementerian Ekonomi menjelaskan, penyediaan Rancangan Malaysia untuk tempoh lima tahun itu dilaksanakan mengikut keperluan, termasuk proses perundingan yang menyeluruh membabitkan semua pihak berkepentingan.

Katanya, sesi libat urus dalam menyediakan RMK13 dilaksanakan dengan kementerian, jabatan dan agensi Persekutuan; kerajaan negeri; ahli akademik; pihak industri; pertumbuhan bukan kerajaan (NGO) dan organisasi masyarakat sivil bermula Oktober 2024 lagi.

"Rombakan dan penyelarasan sememangnya dilakukan sepanjang proses penyediaan RMK13, bertujuan memastikan semua pandangan dan cadangan yang diterima daripada semua peringkat dapat digarap dengan kemas dan teratur dalam naskhah RMK13 supaya seiring dengan dasar utama kerajaan.

"Gerak kerja ini bertujuan supaya RMK13 kekal tepat mengikut perancangan yang menyeluruh dari segi libat urus dan menyokong sepenuhnya agenda pembangunan negara yang progresif dan inklusif, seterusnya dapat dilaksanakan dengan segera serta berkesan oleh kementerian dan agensi pelaksana selepas pembentangan rasmi pada 31 Julai 2025," katanya dalam jawatan bertulis di Dewan Rakyat, semalam.

Kementerian menjawab soalan Datuk Seri Dr Ronald Kiang (PN Perak) mengenai peruba-

han dasar drastik yang dilakukan terhadap dokumen RMK13 menyebabkan ia perlu dipinda pada saat-saat akhir.

Mengenai pencapaian sasaran utama RMK12 setakat ini, terutama dalam aspek pertumbuhan Keluaran Dalam Negara Kasar (KDNK) tahunan, pendapatan negara kasar (PNK) per kapita, kadar kemiskinan mutlak dan sumbangan sektor pembuatan kepada KDNK, Kementerian Ekonomi menjelaskan, pertumbuhan KDNK Malaysia dianggarkan lima peratus setahun dalam tempoh RMK12, didorong permintaan domestik, terutama perbelanjaan sektor swasta.

PNK per kapita pula meningkat kepada RM54,793 (AS\$11,974) pada 2024, berbanding RM42,838 (AS\$10,191) pada 2020.

"Selain itu, insiden kemiskinan mutlak peringkat nasional dijangka menurun daripada 6.2 peratus pada 2022 kepada 5.8 pe-

ratus pada 2024. Maklumat ini adalah berdasarkan data awalan Survei Pendapatan dan Perbelanjaan Isi Rumah (HIES) yang dilaksanakan Jabatan Perangkaan.

"Walaupun nilai ini masih belum mencapai sasaran insiden kemiskinan mutlak 4.2 peratus pada 2025 yang ditetapkan dalam RMK12, namun pencapaian ini masih menunjukkan trend penurunan yang baik berbanding anggaran insiden kemiskinan mutlak 8.4 peratus pada 2020 akibat pandemik COVID-19," katanya.

Dari sudut penawaran, Kementerian Ekonomi memaklumkan, sektor pembuatan adalah sektor kedua terbesar yang memacu pertumbuhan ekonomi dengan kadar pertumbuhan sebanyak 5.6 peratus setahun dalam tempoh 2021 hingga 2024 dan menyumbang sebanyak 23.1 peratus daripada KDNK pada 2024.